

اسلام مجموعہ سی

شعاری : دینی بر مہیات ، عیاتی بر دینہ ، در .

پیل ۴ صانی ۵۴ ۲۴ رمضان ۱۳۳۵ ۱۴ غور ۱۳۳۳ مدیری : حلیم ثابت

قرآنہ کریم

اوروجہ عائذ آیات شریفہ درسام لردن شرف الدین

صہیت

اوروجہ عائذ احادیث شریفہ ش

مرعظہ

اوروج حقندہ بیاننامہ مشیختناہی

قرآنہ کریم

سورۃ یوسفدن عشر شریفلر ثریا

دینہ ادبیاتی

آغلار یعقوب آغلار ث

رمضانہ مقندہ اویدرمزک محملری

رمضان حقندہ خالد فخری

رمضان خاطر لردن حسین راغب

رمضان حقندہ محی الدین

اسماعیل حق اسماعیل حق

بزدہ رمضان اسرار طہلی حق

ضبطہ

اوروج حقندہ وحید

تاریخ

اعتکاف

توزیع یری زمان کتبخانہ سیدر

نسخہ سی ۶۰ بارہ در

نجم استقبال مطبوعہ

یاشه باشه باقره. اجل کلنجه اختیاری کنجی آرد ایتمز. انسان: دها دور یقالم او یله شیلر یگانه قدر اوزاق، دیرکن هیچ او معدنی بر صرمده اولوم آدمک یا قاسنه بیتویرر. او وقت انسانک یاقلری صویه ایره اما ایش ایشدن کچر. اوزمان دو کونک، پشیان اولق فائده ویرمز. ایسیمی انسان شیمیدن عقلی باشه آملی! بودنیایه نه ایچون کلدیکنی بیلوبده اوکا کوره داوراتالی وایچه بیلملی که: بوفرست هر وقت اله کچمز؛ عبا وقتی عبا آلان، یاا وقتی یاا آلانده هیچ بر زمان آلداناز...

عربانی زاده: وحید

تاریخ

اعتکاف

فهر اولادی، عرب قیلرلی ایچنده دیندارلق ایله معروف ایدی. مقدس کعبه مجاورتی و محترم حرمک بونلر اوزرندمکی دینی تأثیرلری تدریجی بر صورتده آرتیوردی. قریش عنوانینی آلدقلمری زمان آرتیق بو خصوصده خیلی ایلرولش بولنیورلردی. منسوب اولدقلمری مضر شعبی ایچنده ابراهیم واسماعیل (ع. م) دن موروث ملی دینک شایان امتال متمسک و خدمه لرندن صایلیورلردی [۱]. بوشهرت دولایسه لدرکه او وقتلر وسطی جزیره ملک بویوک برقمی اشغال ایدن مضر یلرک اوزاق عماره و بطلمری، حتی بوتون معدیلر آراسنده سربست اوله رق کزئور و تجارت کروانلری یورودیورلردی. باشقه شعب منسوب اولوب مضر یلردن برینک حلقه داخل اولیان دیگر قیلرلردخی بورلرده تجارت ایدم بیلیمک ایچون قریشک امانینه کبر مکدن باشقه برچاره بوله مه یوودی [۲].

[۱] کتاب الخیر عن البشر مقریزی

[۲] مقریزی ج ۳

ابتدائی پکده شعور آلتده بولوندینی سوله نه مین بو حالک بالا آخره
 قریش طرفدن دوبولغه باشلادینی کوریلیر . ایشته بوتار بخردن اعتباراً
 قریش کندیسی، حافلرنده بولونان قومشورینی و کندی قیزلردن دوغانلری
 دینده صلابتلی معنائی افاده ایدن [۱] «احسی» کله سیله توصیف ایتمه به باشلادیلر.
 احسینکک نتیجه لری بالحاحه حیک ایفا سنده ظاهر اولیوردی .
 قریش تدین خصوصنده یالکیز سائر قبائلک یایدینی کبی بوتلره طایق،
 کعبه نك طوافی، حیک ایفاسیله اکتفا ایتمه یور؛ بوتلردن خالی اولان بعض
 تنها داغلارده چکیلرک رب العالمین قارشیی «اعتکاف» دالیورلردی .
 «اعتکاف» اولنر کوره کائناتک خالق اولان الله تعالی ایله مجاورتده بولونمق
 دیمکدی . ذاتاً «اعتکاف» ایله «جوار» استعمالده عینی معنائی افاده ایدر [۲].
 بویه خالی یرلرده، یاخود مسجد حرامده اعتکاف، بویوک بر عبادت
 صاییلوب «تخت» اعتبار ایدیلوردی [۳]. تخت ایسه اسکی عرب استعمالک
 کوره ت نك فیه قلبی ایله «تخت» دیمک ایدی [۴]. شو حالده اعتکاف
 قریشه کوره حج کبی بی اسماعیلک ملی دینی اولان حنیفکک بررکنی اولیوردی.
 اعتکاف ایچون تنها بریر انتخاب ایدیلوردی . مکه جوارنده اولان
 «حرا» داغک معارملری بوصفی حاضر ایدی. آنکچون سنه نك بر آینده
 بوداغک تنها یماچلاری وقیوریتیلرنده کی معارملری قریشک زاهد بویوکلری
 ایچون «تخت» یری اولیوردی . مسجد الحرام ایسه اوتهدنبری مجاورت
 مقامی ایدی . ذکر، فکر ایله مشغول اوله رق کعبه جوارنده اعتکاف
 بویوک عبادتلردن ایدی . نصل که حضرت ممر قبل الاسلام مسجد حرامده
 اعتکافی نذر ایتمش وبعد الاسلام بونک ایقاسی ایجاب ایندیکنی حضرت
 پیغمبردن تلقی ایلشیدی [۵] .

[۱] مختار الصحاح، لسان العرب ۲۰۷ ج ۸

[۲] موطأ ۱۴

[۳] کتاب البدأ والتاریخ ج ۴ ص ۱۴۱

[۴] ابن هشام ج ۱

[۵] بخاری ج ۲، ابن ماجه ج ۱

قریشده رب العالمین اولان الله قارشى اعتكاف یا ییلدینی کبی، سائر شعب و قیلله لر
افرادى آراسنده منملرینك جوارنده، هیكلنده، ییتده اعتكاف ایدیلوردی [۱].
حضرت محمد (ص ع) یشتدن اول دده لری و سائر قریشك زاهد
بو یوکاری کبی، تخف ایچون رمضان آیتده [۲] حرانك بر مغاره مستده
خلوته چکیلرک عبادت ایله مشغول اولوردی. ذاتا حضرت حدیجه (ر.ع.)
ایله ازدواجندن سوکرا ثروت صاحبی اولدیغندن بو اعتكافی ائشاننده برابرنده
کتیردیکی سوت، خورما و سائر یغینه چك شیلری فقرایه توزیع ایله ردی [۳]
یاننده کی بو آزیق ییتدکجه مکده عائله سی تردین عودت ایده رك تکرار
حاضرله نیر و حرایه چکیلردی. ایته بویه بر رمضان آیتده حرامده خلوتکاهنده
بولوندی ائشاده ایدی که تبلیغه مأمور ایدیلش ایدی [۴].

ملی دین اولان حنیفلك ازکاتندن حاییلان اعتكاف، حج، طواف ..
کبی اسلامیتده دخی بر عبادت اوله رق ایله ایدیلدی. حضرت، پیغمبر
یشتدن سوکرامنه نك اون کوتی اعتكاف ایله کچیریلردی [۵] بعدالهیجرت
علیه السلامك اعتكافی ترك ایتدی کیری معلوم دکلدر. رمضانك ایلك اوننده [۶]
ایکنجی اوننده [۷] اعتكاف ایده رك لیله قدری تحری بو یورورلردی [۸].
نهایت لیله قدرک صوگ اوننده اولدینی حقنده قناعت کتیردی لر [۹] ارتحالریته
قدر رمضان شریفک بو صوگ اوننده اعتكاف ایدر اولدی لر [۱۰]. دیمک اولیور که
بو صورته اعتكاف ایچون رمضانك صوگ اونی تعین ایتش بولنیور.

[۱] مقریزی، ابن خلدون ج ۳.

[۲] کتاب البدأ والتاریخ ۴ ج

[۳] کتاب البدأ والتاریخ ۴

[۴] بخاری ج ۱، ابن هشام ج ۱

[۵] ابن ماجه ج ۱ ص ۲۷۶

[۶] مسلم ۱۷۱ ج ۳، زادالمآد ج ۱ ص ۱۷۶

[۷] بخاری، ابن ماجه، موطأ

[۸] ابن ماجه ج ۱، مسلم ج ۳، بخاری، موطأ

[۹] ابوداود، موطأ ۱۱۶ مسلم ۱۷۳ ج ۲ بخاری ج ۲

[۱۰] مسلم ج ۲.

علیہ السلام، رمضانہ اعتکافہ کیرہ جکی زمان خلول ایدہ نجہ جامعک بر کوشہ سندہ
چادیر قوردورہ رق خلوتہ قالیرلردی . بر دفعہ سندہ د قہ ترکیدہ ، [۱]
اعتکاف ایتش وقبوسنی بر حصیر ایله اوروتدیرمشلردی . اعتکاف ایدہ جکی
کون صبح نمازنی قیلدقدن صوکر مسجده اعتکاف محلہ چکیلرلردی [۲]
یوب ایچہ سی ، یاتوب قالقمہ سی آرتیق ہپ اورادہ اولوردی . مسجیدن
آنجانق بشری ضرورت ایچون چیقاردی [۳] اعتکافلری اناسندہ عبادت
وتلاوت قرآن ایله مشغول اولورلردی [۴] . حیاتلرینک صوکلرینہ دوغرو
اعتکاف ایچون رمضانک صوک اونی آرتیق تعین ایتش کیدی . بوکونلر
کلنجہ خلوتہ چکیلہ وک ازواج طاہرہ سندن آریلیر ، کیچہلری ایجا ایدر [۵] .
وساثر زمانلردہ کیدن خیل فرقل بر صورتہ ، جہد اراز بویورولردی [۶] .
بوہرینہ تکرر ایدردی . بعراہجرہ حیات نبوینک ہر سہ سندن
بوکونلری اعتکافہ آیرمق ایجاب ایدر .

ہرہانکی برسیب ایله رمضانہ اعتکاف ایدہ مزینہ مطلقا رمضاندن
صوکر اشوال آیندہ ، یاخود کلہ جک رمضانہ قضا ایدرلردی . بو حالک
بعداہجرت ایکی دفعہ وقوعہ کلدیکی آکلاشیلور . بری (احتمالک برنجی
دفعہ سی) بر رمضانک صوک اونی خلول ایتک اوزرہ ایدی ، حضرت پیغمبر
اعتکاف ایچون چادیرنی قوروب خلوت بری حاضر لہ منی امر ایتدیلر ، حضرت
عائشہ مدہ مساعده استحصال ایدہ وک چادیرنی دیکدیری ایدی . [۷] حضرت حفصہ
بونہ خبر آلینجہ دیکر بریرکدہ کندیس ایچون حاضر لہ تمنی سویلدی ویاییلدی .
حضرت زینب مدہ بویلہ ایتدی . [۸] حضرت پیغمبر معنادی وجہلہ صبح نمازنی
ادایتدکن صوکر [۹] اعتکاف برینہ کلنجہ دورت چادیر کوردی وکیملرہ

[۱] ابن ماجہ ، مسلم

[۲] مسلم ج ۲

[۳] ترمذی ۱۵۳

[۴] ابن ماجہ ج ۱

[۵] بخاری ج ۲ ۱۵۵ مسلم ج ۲ ۱۷۶

[۶] بخاری ج ۲ مسلم ج ۳

[۷] بخاری ج ۲ ۲۰۹

[۸] بخاری ج ۲ ۲۹

[۹] مسلم ۳

عائد اولدیغی سوردی. مسئلهی آکلایجه: «یا، سانکه ایسلکمی استیورلر؟...»
دیهرک چادیرلری قالدیرتدی و کندیلری ده بودغه اعتکافه-کیرمدیلر؛ معنادک
خلافنده اولهرق رمضانک صوک اونی بویه جه کجدی. فقط شوالک صوک
اونی حلول ایدنجه اعتکافی قضا ایتدیلر. [۱]

دیگری (اغلب احتمالک موکنجیسیدر) فتح سنهسی [۲] رمضان
آی ایدی؛ حضرت پیغمبر اعتکاف کونلرنده سفرده یولوندیلر، بوسیله
وقتده اعتکاف قابل اولمادی ایدی. فقط ایکنجی سنهک رمضانک کلنجه
اعتکافلری یکریمی کون اولهرق ادا ایتدیلر. [۳]

حضرت پیغمبرک رمضانک ایکنجی و اوچونجی اوننده اولهرق صره سیله
یکریمی کون اعتکافلری حیات نبویک صوک رمضاننه تصادق ایتدیکی
مرویدر [۴]. شو حالده بووقه نک دخی ایکنجی و صوک اولهرق وقوعه
کلدیکی تخمین ایدیه بیلیر خلتندهیم.

حضرت پیغمبرک هر سنه رمضان آینده اعتکاف ایتدکلی روایت
ایدیلور ایسه ده، قرائن احوالدن وبالخاصه مسجد نبویه ایفا ایدیلش
اوله سندن بونلرک هجرتدن موکرا لره عائد اولدینی تخمین ایدیه بیلیر. شو حاله
کوره یشت ایله هجرت آراسنده کی ۱۳ سنهک زمان طرفنده اعتکاف ایتدکلی،
یا خود تعبیر دیکرله اعتکاف ایچون فرصت بوله بیلدکلی مجهول قالور.
مع مانیه بعد البعث وحی ک فترتی سنه لرنده تنهالنه رغبت بوپوردقلری
ومکه خارجنه چیقارق تک باشنه تنهالندره، شیر، حرا داغلارنده یورو مکدن
خوشلاندقلری مرویدر [۵]

[۱] موطأ ترمذی، بخاری، مسلم، ابن ماجه

[۲] سندی

[۳] ترمذی ۱۰۳، ابن ماجه ۲۶

[۴] بخاری ج ۲، ۲۶ ابن

[۵] متنی ۱۴۵ ج ۴

کوریلیوز که حضرت پیغمبر اعتکافه پک زیادہ اہمیت و پروریور، قبل البعث اولدینی کی صوکر ا بعد الہجرت اسلامیتک حقیلہ تأسندن اعتباراً بوکا هر سنہ دوام ایتدکیری و هر تہانکی برسیلہ وقتندہ ایقا ایدیلہ مدیکنه کورہ برنجی فرصت ایلہ قضا ایدیلدیکی آکلاشیلیور. حتی ارتحال نبویدن صوکر ا امہات طرفندن دخی بویولاک ترک ایدیلدیکی کوریلیور. [۱] اصحاب، سلف و خلف طرفندن دخی بو، ہدی نبوی اولہرق قبول ایدیلیور. بونکچوندو کہ بوتون مذاہب اسلامیہ فقلرندہ اعتکاف ایچون مستقل کتابلر تخصیص ایدیلشدر. وجوبی بیان ضمنتہ دکلہ یلہ، احکامندن بر قسمی، حال اعتکافدہ قادیلرہ تماس ایدیلہ میجکئی بیان ایدہرک شوآیت کریہ نازل اولیور: «ولاتباشروهن واتمعا کفون فی المساجد تلک حدوداللہ فلا تقریوها کذلک بین اللہ آیاتہ للناس لعلہم یتقون».

اعتذار:

رمضان نسخہ درج ایدیلک اوزرہ محترم محررلر مجزذن بعضلری ذہا مقالہلر یولامق لطفندہ بونومش ایسزردہ وتک دارلنتہ بناء مجموعہ دہا اولجہ باصلدیتندن بونسخہدہ نشری قایل اولہمدی. فقط کندیلرہ صیبی تشکرلری عرض وکلجک نسخہلرہ درج ایدیلہ میجکئی بیان ایلہ عفورلری رجا ایدرز.

[۱] مسلم

مدیر مسئول: حلیم ثابت



نجم استقبال مطبعہ سی